


Silaannaap ajornartorsiutaanera inuusuttut suliassaraat?

FN-ip silaannaq pillugu december 2009-mi ataatsimeersuartitsinera neriutiginartut ingerlalluartiginngilaq. Silaannaalli ajornartorsiutaanera ingerlaannassaaq, naak politikerit isumaqatigiissinnaanngikkaluartut. Taamaattumik Nunani Avannarlermiut Silaannaq pillugu ulluanni kingumut silaannaq meeqqanut inuusuttunullu tulluurtumik sammineqassaaq – taakkuuppummi unamminartunik kingornussisussat.





Inuppassuit nunarsuarmi tamarmeersut siorna ukiup naalernerani Københavnimi katersuupput tamarmillu silaannaq oqaluuseraat. Nipangersimaarnerulerualuarpummi, naak isumaqatigiinniarnarit ukiog manna 2010-mi COP16-imi, Mexico-mi pisussami ingerlaqqittussaagaluartut.

Silaannarmilli ajornartorsiutit suli atuupput. Taamaattumik pingaartuuvoq siunissami silaannarmit sunnigaanerpaasussat suliniuteqartissallugit – taakkualu tassaapput ullumikkut meeqqat inuusuttullu atuartut.

Ilinniartitaanerup silaannaq annaassinnaavaa

Nunani Avannarlerni ilinniartitaanermik ministerit COP15-ip Københavnimi pisup siornatigut silaannaq pillugu suliniutinut ilanngussaqaarusussimapput. Taamaattumik Nordisk Ministerråd Nunani Avannarlerni atuarfinni suliniuteqaaqullugu qinnuigaat.

Nunani Avannarlerni Silaannaap ullua 2009 taamaalilluni pileroq. Taannalu 11. novemberimi Nunani Avannarlerni tallimani tamani ingerlanneqarpoq, tassa Danmarkimi, Finlandimi, Islandimi, Norgemi Sverigemilu.

Maannalu aalajangiunneqarpoq Silaannaap Ullua 2010-mi ingerlateqqinneqassasoq. Siorna ullormi ingerlanneqartumi pisut kisiisa sammineqarput, ukiormannali sammineqartussat siamasinneroqaat, ilinniartitsisunut atuartunullu periarfissat amerlanerullutik. Ullormi ingerlanneqartussami siunertarineqarput atuartut silaannaq pillugu iisimasaaqarnerulernissaat, meeqqat inuusuttullu silaannaq pillugu apeqqutinik sammisaqarnissaat

„Nuannerpoq misigaagullu inuiaqatitsinnut suliaqarluta“.

Matilda, Anna, Josefin Hasselqvist and Fanny, Sverigemeersut

„Nunani Avannarlerni Silaannaap ullua misigisaavoq immikkorluinnaq ittoq, atuarfitsinni eqqaamaneqartussa“.

Kim Damstra, Norgemeersaq

aammalu Nunani Avannarlerni atuartitsisut suleqatigiinnerulernissaat, ilaatigut internetsimi nittartagaq klimanorden.org aqqutigalugu.

Ukiog kingulleq Silaannaap Ulluani sms-erluni annertuumik unammisitsisoqarpoq, ullorli sioqqullugu kingornatigullu atuartitsinermi silaannaq pillugu qanoq suliniartoqarsinnaaneranut isummat klimanorden.org –imut uploade -neqarsinnaapput.

Ukiog manna ukariartornera tamaat suliaqarnissamat allanggoraanerunissamullu periarfissaqarpoq.

Nutaaliorluni unammisoqassaaq, internetsikkut quiz-inik unammisoqassaaq kiisalu nalinginnaasumik suliarineqartartut sammneqartussaapput.

Nuannerlunilu iluemoorsaarnarpoq

Ukiog kingulleq Silaannaap Ulluani unammisitsinermi pingaarnermi finlandermiut atuarfia Kåpylä Skole ajugaasuuvoq. Taakkua filmiliorput, naliliisut oqarnerattuut biilerani nissut atuinnarlugit qanoq silaannarmik illersuisoqarsinnaaneramik nuannersumik takutitsisumik – takuuk <http://klimanorden.org/svenska/mobile/winner.html>.

Ukiog kingulleq sammisat amerlaqaat. Ilaat video atorlugu nuimasunik ataatsimeersuartsinerupput nammineq pilersitat, allallu ministerit pisortatigoortumik tikeraarneraat. Silaannaq pillugu filmertitsisoqarpoq, atuarfimmi silaannaq pillugu ataatsimeersuortoqarpoq, isiginnaartitsisoqarpoq tusagassiuutinillu ilinniartitsisoqarluni, qarasaasiakkut pinguaat soorlu Green City pinguaatigineqarpoq assersuutigalugulu nittartagaq Eduspace atorlugu

internetsikkut atuartitsisoqarluni.

Atuarfinni

nutaaliorpassuaqarpoq. Soorlu Göteborgimit Globala Gymnasiamit peqataasoq oqartoq, atuarfik tamarmi uummaarisumik peqataavoq



– silaannaallu ullussaa tullegg suliariniarlugu oqalulereerlutik. 2009-mi neriuutigineqartutut peqataasoqartiginngilaq. Tamanna ilaatigut peqquteqarpoq atuartorpassuit unammisitsinerne namminneq mobiilitik atortusaasaramikkut peqataanertillu namminneq akilertarlugu. Taamaattumik ukiog manna suliarineqartussat tamarmik internetsikkoorput. Pisussat aamma piffissami siviisunerujussuarmi ingerlanneqartussaapput. Taamaattumik ilinniartitsisup Nunani Avannarlerniut silaannaq pillugu ullorsioartitsineranni suliaqat illaannik atuartitsinerminut ilanngussinissaa ajornannginnerussaaq.

Ulloq kikkunntu tamanut

Nunani Avannarlerni Silaannaap Ullua 2010 ukiup siulianut sanilliullugu amerlanerujussuarnut ammaavoq, tassami arfinilinnit 20-it tikillugit ukiullit peqataasussaapput. Titartaalluni unammisitsinerne peqataasqaarsinnaavoq imaluunniit video-liortorqarsinnaalluni. Atuartunut minnerpaanut anginerumaanullu quiz

atorlugu unammisitsisoqassaaq atuartullu anginerit suliamik annertunermik suliassaqartinneqartussaapput. Peqataasut allaatigisaqarsinnaapput assiliisinnaallutilluunniit taakkualu tamarmik klimanorden.org –imut upload-erneqarsinnaapput. Suliassiissutini assigiinngitsuni ataasiakkaani ukioq manna kingumut Nunani Avannarlerni ajugaasoq toqqarneqassaaq, kisianni aamma nunani

ataasiakkaani ajugaasunik toqqaasoqartussaavoq. Ataatsimut isigalugu programmi tamatigoortoq nuannersunillu imalik ukiariaq tamaat 11. november 2010-p tungaanut ingerlasussaavoq.

– Nunani Avannarlerni Silaannaap Ullua 2010 augustimi saqqummiunneqassaaq ukiariarlu tamaat peqataasoqarsinnaalluni.

Uani paasisaqarnerusinnaavutit
klimanorden.org

„Nunani Avannarlerni peqataasut atuartut minnerit silaannaap kissakkiartornera pillugu qanorlu avatangiisitta eqqarsaatiginissaanik atuartikkamikkit torrallaavipput “.

Guðný Róbertsdóttir /Islandimiu

